



Na osnovu člana 2.9 stav (1) tačka 2, a u vezi sa članom 5.22. stav (2), 5.25. stav (1), člana 14.1 i člana 14.3 stav (6) Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16), odredbi Pravilnika o načinu provođenja izbora u Bosni i Hercegovini ("Službeni glasnik BiH", br. 32/16 i 43/16), Pravilnika o dopuni Pravilnika o načinu provođenja izbora u Bosni i Hercegovini broj: 05-1-02-2-299-1/17 od 05.02.2017. godine i odluke o raspisivanju i održavanju ponovnih izbora u osnovnoj izbornoj jedinici Stolac broj: 05-1-07-1-298-1/17 od 05.02.2017. godine, Centralna izborna komisija Bosne i Hercegovine je na 7. sjednici, održanoj 05.02.2017. godine, donijela

INSTRUKCIJU
o postupku provođenja ponovnih izbora za općinskog načelnika i općinsko vijeće u osnovnoj izbornoj jedinici Stolac

Član 1.
(Predmet)

Ovom instrukcijom uređuje se postupak provođenja ponovnih izbora u osnovnoj izbornoj jedinici Stolac za općinskog načelnika i općinsko vijeće na svim redovnim biračkim mjestima, biračkom mjestu za glasanje nepotvrđenim-kovertiranim glasačkim listićima, biračkim mjestima za glasanje birača u odsustvu iz drugih osnovnih izbornih jedinica za osnovnu izbornu jedinicu Stolac, mobilnim timovima u izbornoj jedinici Stolac, mobilnim timovima iz drugih osnovnih izbornih jedinica za osnovnu izbornu jedinicu Stolac i za glasanje birača registrovanih za glasanje putem pošte; određivanja biračkih mjesta i lokacija biračkih mjesta; imenovanja članova biračkih odbora i obuke biračkih odbora; izborna šutnja; posmatranje ponovnih izbora; dostava izbornog materijala; način pakovanja izbornog materijala; način brojanja glasačkih listića i način utvrđivanja izbornih rezultata.

Član 2.
(Kandidatske liste, izgled glasačkog listića, izvod iz Centralnog biračkog spiska i biračka mjesta)

(1) Ponovni izbori u izbornoj jedinici Stolac na svim redovnim biračkim mjestima, biračkom mjestu za glasanje nepotvrđenim-kovertiranim glasačkim listićima i mobilnim timovima će se održati dana 19.02.2017. godine u periodu od 07.00 do 19.00 sati na osnovu istih izvoda iz Centralnog biračkog spiska koji su korišteni na poništenim izborima, kao i istih kandidatskih listi za općinskog načelnika i kandidatskih listi za općinsko vijeće, na kojima su uklonjena imena kandidata po pravosnažnim i konačnim odlukama Centralne izborne komisije BiH broj: 05-1-07-5-1128/16, broj: 05-1-07-5-1129/16, broj: 05-1-07-5-1130/16 i broj: 05-1-07-5-1132/16 od 14.12.2016. godine. Općinska izborna komisija Stolac dužna je, na osnovu pribavljenog izvoda iz matične knjige umrlih, u Izvodu iz biračkog spiska označiti imena umrlih lica. Podatak o ovoj činjenici ovjerava zamjenski predsjednik svojim potpisom i pečatom Općinske izborne komisije Stolac. Izvod iz matične knjige umrlih prilog je izvoda iz Centralnog biračkog spiska.

(2) Za potrebe provođenja ponovnih izbora, Centralna izborna komisija Bosne i Hercegovine (u daljnjem tekstu: Centralna izborna komisija BiH) će štampati glasačke listiće na način da će se:

- a) glasački listić za načelnika općine štampati u žutoj boji, a na poleđini glasačkog listića će biti upisano "PONOVNI IZBORI" i
- b) glasački listić za općinsko vijeće štampati u ljubičastoj boji a na poleđini glasačkog listića će biti upisano "PONOVNI IZBORI".

(3) Prema službenim podacima iz aplikacije Jedinstvnog izbornog informacionog sistema BiH (JIIS BiH) "Registracija birača", biračka mjesta sa lokacijama na kojima će se održati ponovni izbori su:

- a) 176A001 Burmazi - Lovački dom Burmazi,
- b) 176A002 Kruševo - Osnovna škola Kruševo,
- c) 176A003 Podgrad 1- Dječiji vrtić Stolac,
- d) 176A004 Stolac A – Osnovna škola Stolac,
- e) 176A005 Gorica 1 - Radimlja bb, privatni objekt Zdenko Bošković,
- f) 176A006 Rivine 1 – Osnovna škola Rivine,
- g) 176A007 Bobanovo – Dom Bobanovo,
- h) 176A008 Aladinići – ZZ Crnići,
- i) 176A009 Prenj – Osnovna škola Prenj,
- j) 176A010 Hodovo 1 – Osnovna škola Hodovo,
- k) 176A011 Vidovo polje – Vidovo polje bb, privatni objekt Zrinko Vujnović,
- l) 176A012 Stolac 2 – Vatrogasni dom Stolac, pridruženo BM 176A000
- m) 176A013 Stolac 3 – Osnovna škola Stolac,
- n) 176A014 Rivine 2 – Osnovna škola Rivine,
- o) 176A015 Podgrad 2 – Humska bb, privatni objekt Niko Raguž,
- p) 176A016 Gorica 2 – Radimlja bb, privatni objekt Zdenko Bošković,
- q) 176A017 Crnići – Osnovna škola Crnići,
- r) 176A018 Stolac 1B – Osnovna škola Stolac,
- s) 176A019 Hodovo 2 – Osnovna škola Hodovo,
- t) 176ANN Nepotvrđeni – Osnovna škola Stolac,
- u) Mobilni tim 1,
- v) Mobilni tim 2,
- w) Mobilni tim 3,
- x) Mobilni tim 4.

(4) Općinska izborna komisija Stolac uz saglasnost Centralne izborne komisije BiH može promijeniti lokaciju određenog biračkog mjesta ukoliko se korištena lokacija iz objektivnih razloga više ne može koristiti.

(5) Centralna izborna komisija BiH će biračkom odboru za glasanje nepotvrđenim-kovetiranim glasačkim listićima, pored izbornog materijala propisanog članom 16. stav (2) Pravilnika o načinu provođenja izbora u Bosni i Hercegovini, predati i spisak birača koji su upisani za glasanje putem pošte za osnovnu izbornu jedinicu Stolac.

(6) Izborne komisije osnovnih izbornih jedinica, u kojima je bilo birača koji su upisani za glasanje za osnovnu izbornu jedinicu Stolac, obavezne su da organizuju i provedu ponovne izbore za osnovnu izbornu jedinicu Stolac na način da uspostave:

- a) Mostar mobilni tim 199AMT1,
- b) Čapljina mobilni tim 173AMT1 i biračko mjesto za glasanje u odsustvu 173A501,
- c) Foča mobilni tim 166BMT1,
- d) Jablanica biračko mjesto za glasanje u odsustvu 126A501,
- e) Mostar biračko mjesto za glasanje u odsustvu 157A501,
- f) Berkovići biračko mjesto za glasanje u odsustvu 177B501,
- g) Ljubinje biračko mjesto za glasanje u odsustvu 179B501,i
- h) Trebinje biračko mjesto za glasanje u odsustvu 182B501.

(7) Birački spiskovi za biračka mjesta iz stava (6) ovog člana će sadržavati samo imena birača koji su upisani za glasanje za osnovnu izbornu jedinicu Stolac, dok su procedure rada navedenih biračkih mjesta propisane u Poglavlju V. Izbornog zakona BiH i članom 46. i 47. Pravilnika o načinu provođenja izbora u Bosni i Hercegovini (u daljnjem tekstu: Pravilnik).

(8) Centralna izborna komisija BiH osigurava i provodi glasanje birača koji su upisani za glasanje putem pošte za osnovnu izbornu jedinicu Stolac na način propisan u Poglavlju V. Izbornog zakona BiH i u Poglavlju II. Odjeljak C Pravilnika.

Član 3. **(Imenovanje i obuka biračkih odbora)**

(1) Centralna izborna komisija BiH je utvrdila novu listu ovjerenih političkih subjekata koji imaju pravo učešća u dodjeli pozicija u biračkim odborima, za ponovne izbore u Stocu (Prilog 1) iz razloga brisanja koalicije 02183 Za bolji Stolac jer ta koalicija nema svoga kandidata na ponovnim izborima. Na osnovu ove liste, Centralna izborna komisija BiH je utvrdila i pozicije u biračkim odborima koje su navedeni politički subjekti dobili (Prilog 2).

(2) Općinska izborna komisija Stolac će, odmah po dobijenoj odluci o ponovnim izborima kao i ove instrukcije, uputiti poziv ovjerenim političkim subjektima da dostave svoje prijedloge za članove biračkih odbora za biračka mjesta koja su po dodjeli pozicija dobili, prema tabeli dodjele pozicija političkim subjektima iz stava (1) ovog člana, u roku od dva dana. Općinska izborna komisija Stolac će imenovati predsjednike i članove biračkih odbora najkasnije osam dana prije dana održavanja ponovnih izbora.

(3) Ukoliko Općinska izborna komisija Stolac ne imenuje sve članove biračkih odbora na način i u roku utvrđenom u stavu (2) ovog člana, Centralna izborna komisija BiH će imenovati nedostajući broj članova biračkog odbora.

(4) Centralna izborna komisija BiH će provesti obuku Općinske izborne komisije Stolac u periodu od 12-10 dana prije dana održavanja ponovnih izbora. Općinska izborna komisija Stolac će izvršiti obuku predsjednika i članova biračkih odbora do pet dana prije dana održavanja ponovnih izbora.

(5) Imenovani članovi biračkih odbora imaju pravo na naknadu za svoj rad u visini utvrđenoj u Odluci o visini naknade za rad biračkih odbora koju je utvrdila Općinska izborna komisija Stolac za poništene izbore.

(6) Izborne komisije iz člana 2. stav (6) ove instrukcije će iz svoje evidencije imenovati predsjednike i članove biračkih odbora u navedene mobilne timove i biračka mjesta za glasanje u odsustvu najkasnije sedam dana prije dana održavanja ponovnih izbora, a obuku imenovanih će izvršiti do pet dana prije dana održavanja ponovnih izbora.

Član 4.
(Izborna šutnja)

(1) U toku 24 sata prije otvaranja biračkog mjesta, odnosno od 19.02.2017. godine od 07.00 sati, pa do zatvaranja biračkih mjesta, odnosno 19.02.2017. godine, zabranjene su aktivnosti utvrđene u članu 7.4 i 16.11 Izbornog zakona BiH.

(2) U periodu koji počinje 48 sati prije otvaranja biračkih mjesta, odnosno 17.02.2017. godine u 07.00 sati, pa do zatvaranja biračkih mjesta neće se objavljivati rezultati istraživanja javnog mnijenja u vezi sa glasanjem i izborima.

Član 5.
(Posmatranje izbora)

(1) Posmatrači akreditovanih od strane Centralne izborne komisije BiH i Općinske izborne komisije Stolac za Lokalne izbore 02.10.2016. godine imaju pravo posmatranja ponovnih izbora. Ukoliko ne posjeduju izdate akreditacije, po zahtjevu političkog subjekta izdat će im se nove akreditacije. Akreditovanje novih posmatrača vrši se u skladu sa važećim pravilima, najkasnije tri dana prije dana održavanja izbora, a međunarodnih posmatrača dan prije izbora.

(2) Centralna izborna komisija BiH za potrebe koordiniranja, nadgledanja ponovnih izbora u skladu sa odredbama člana 2.9 stav (1) tačka 1. Izbornog zakona BiH, imenovat će osoblje Sekretarijata Centralne izborne komisije BiH koje će posmatrati tok pripreme za provođenje ponovnih izbora, glasanja i nadzora rada biračkih odbora.

Član 6.
(Dostave izbornog materijala)

(1) Centralna izborna komisija BiH će najkasnije 3 dana prije dana održavanja ponovnih izbora do 15,00 sati dostaviti izborni materijal Općinskoj izbornoj komisiji Stolac.

(2) Općinska izborna komisija Stolac, na utvrđene lokacije iz člana 2. stav (3) ove instrukcije, dužna je najkasnije dvanaest sati prije otvaranja biračkih mjesta na kojima se provode ponovni izbori dostaviti biračkim odborima izborni materijal, osim mobilnim timovima kojim Općinska izborna komisija Stolac, u svom sjedištu, predaje izborni materijal jedan sat prije otvaranja biračkih mjesta.

(3) Općinska izborna komisija Stolac dužna je osigurati da se prostorije, u kojim se nalaze biračka mjesta, mogu zaključati i da objekte u toku noći prije otvaranja biračkih mjesta osigura policija kako bi birački odbori mogli skladištiti izborni materijal u toku te noći na biračkom mjestu.

(4) Na biračkim mjestima, za koje se ne mogu osigurati uslovi iz stava (3) ovog člana, izborni materijal će se skladištiti kod predsjednika biračkog odbora, uz saglasnost Općinske izborne komisije Stolac.

(5) Centralna izborna komisija BiH će izbornim komisijama iz člana 2. stav (6) tačka a), b), d), e), f), g) i h) ove instrukcije dostaviti izborni materijal tri dana prije dana održavanja ponovnih izbora, dok će izbornoj komisiji iz člana 2. stav (6) tačka c) ove instrukcije dostaviti izborni materijal dva dana prije dana održavanja ponovnih izbora.

Član 7.

(Način brojanja glasačkih listića i utvrđivanja izbornih rezultata)

- (1) Birački odbor na redovnom biračkom mjestu, odmah poslije zatvaranja biračkog mjesta, pristupa utvrđivanju broja potpisa na izvodu iz Centralnog biračkog spiska i broju neiskorištenih glasačkih listića, kao i pakovanju neiskorištenih glasačkih listića.
- (2) Nakon završenih radnji iz stava (1) ovog člana birački odbor pristupa brojanju glasačkih listića na način propisan u članovima 41, 43. i 44. Pravilnika.
- (3) Birački odbor na biračkom mjestu za glasanje nepotvrđenim glasačkim listićima i mobilni timovi poslije zatvaranja biračkog mjesta u 19.00 sati, odnosno poslije završenih aktivnosti na izborni dan pakuju izborni materijal kako je propisano u članovima 53. i 54. Pravilnika i predaju tako spakovani izborni materijal Općinskoj izbornoj komisiji Stolac.
- (4) Općinska izborna komisija Stolac je obavezna, poslije završenog brojanja glasačkih listića za načelnika općine na redovnim biračkim mjestima, a najkasnije do 21.00 sati, preuzeti zelene kopije obrasca ZR- Većinski glas sa svih redovnih biračkih mjesta i izborne rezultate unijeti u aplikaciju za unos izbornih rezultata JIIS BiH najkasnije do 22.00 sati.
- (5) Centralna izborna komisija BiH će u 22.30 sati objaviti prve nezvanične nepotpune izborne rezultate za načelnika Općine Stolac.
- (6) Općinska izborna komisija Stolac je obavezna da po prijemu izbornog materijala, od biračkih odbora sa redovnih biračkih mjesta, sa zelenih kopija obrazaca ZR-Otvorena lista unese izborne rezultate u aplikaciju iz stava (4) ovog člana.
- (7) Odmah po unosu izbornih rezultata iz stava 4. i 6. ovog člana, Općinska izborna komisija Stolac je obavezna objediniti utvrđene izborne rezultate. Ukoliko Općinska izborna komisija Stolac ne može objediniti utvrđene izborne rezultate zbog toga što birački odbor nije pravilno izvršio brojanje glasačkih listića na biračkom mjestu, ili radi odstupanja koja ukazuju na neregularnosti, Općinska izborna komisija Stolac postupa u skladu sa članom 58. Pravilnika.

Član 8.

(Način pakovanja izbornog materijala)

- (1) Nakon završenih svih aktivnosti oko brojanja glasačkih listića birački odbor pakuje izborni materijal po šemi pakovanja koja je utvrđena Pravilnikom i isti predaje Općinskoj izbornoj komisiji Stolac.
- (2) Općinska izborna komisija Stolac sačinjava zapisnik o preuzetom izbornom materijalu i u svom sjedištu, kompletan izborni materijal predaje neposredno Centralnoj izbornoj komisiji BiH drugi dan poslije završenih ponovnih izbora.
- (3) Izborna komisija iz člana 2. stav (6) tačka c) ove instrukcije predaje izborni materijal Centralnoj izbornoj komisiji BiH u svom sjedištu dan nakon provedenih ponovnih izbora, a izborne komisije iz člana 2. stav (6) tačka a), b), d), e), f), g) i h) ove instrukcije predaju izborni materijal Centralnoj izbornoj komisiji BiH u svom sjedištu dva dana nakon održanih ponovnih izbora.

Član 9.
(Brojanje glasačkih listića u Glavnom centru za brojanje)

(1) Glavni centar za brojanje za ponovne izbore u Stocu je obavezan da prebroji glasačke listiće za osnovnu izbornu jedinicu Stolac iz člana 2. stav (3) tačka t), u), v), w), x) i iz člana 2. stav (6) i (8) ove instrukcije, na način propisan Izbornim zakonom BiH i podzakonskim aktima.

(2) Glavni centar za brojanje će brojati glasačke listiće iz člana 2. stav (8) ove instrukcije ukoliko su prispjeli u Glavni centar za brojanje najkasnije 10 dana poslije održavanja ponovnih izbora, a na kovertama bude utisnut pečat otpremne pošte sa datumom održavanja ponovnih izbora.

Član 10.
(Utvrđivanje i potvrđivanje izbornih rezultata)

(1) Centralna izborna komisija BiH će utvrditi rezultate ponovnih izbora u osnovnoj izornoj jedinici Stolac najkasnije 12 dana poslije održavanja ponovnih izbora.

(2) Centralna izborna komisija BiH će potvrditi rezultate ponovnih izbora u osnovnoj izornoj jedinici Stolac poslije pravosnažnosti utvrđenih izbornih rezultata.

Član 11.
(Prilozi)


Sastavni dio ove instrukcije su prilozi:

- a) Lista ovjerenih političkih subjekata za dodjelu pozicija u biračkim odborima i
- b) Pozicije koje su dobili politički subjekti u birakim odborima.

Član 12.
(Stupanje na snagu)

Ova instrukcija stupa na snagu danom donošenja, a objavit će se na web stranici Centralne izborne komisije BiH.

Broj: 05-1-02-02-300-1/17
Sarajevo, 05.02.2017. godine



Predsjednica

Irena Hadžiabdić



Prilog I.

Lista političkih subjekata za dodjelu pozicija u biračkim odborima

KOD PS	NAZIV POLITIČKOG SUBJEKTA	OMJER ZASTUPLJENOSTI	POZICIJA
00005	HRVATSKA KRŠĆANSKA DEMOKRATSKA UNIJA BOSNE I HERCEGOVINE-HKDU BIH	1	45
02097	HRVATSKA SELJAČKA STRANKA BOSNE I HERCEGOVINE	1	131
02190	HRVATSKA KOALICIJA ZA STOLAC HSP BIH HDZ 1990	1	176
01968	AJLA REPEŠA	1	184
02176	INICIJATIVA ZA STOLAC	1	187
01915	VIDOJE MASLAČ	1	203
01987	SNAGA CENTRA	1	213
01951	SLAVEN MILANOVIĆ	1	216
01004	STRANKA PRAVDE I RAZVOJA BOSNE I HERCEGOVINE	1	235
00018	SDS-SRPSKA DEMOKRATSKA STRANKA	1	251
01723	SOCIJAL DEMOKRATSKI FRONT BOSNE I HERCEGOVINE	1	254
00027	HRVATSKA DEMOKRATSKA ZAJEDNICA BOSNE I HERCEGOVINE	1	315
01967	BERINA AMIĐIĆ	1	339
01918	DRAGAN ŠIMUNOVIĆ	1	401

Pozicije koje su dobili politički subjekti u biračkim odborima

BM	Broj članova	1	2	3	4	5
176A001	3	00005 HKDU BiH	02097 HSS BiH	02190 HKZS		
176A002	3	01968 Ajla Repeša	02176 Inicijativa za Stolac	01915 Vidoje Maslač		
176A003	5	01987 Snaga centra	01951 SlavenMilanović	01004 SPR BiH	00018 SDS	01723 SDF BiH
176A004	5	00027 HDZ BiH	01967 BerinaAmidžić	01918 Dragan Šimunović	00005 HKDUBiH	02097 HSS BiH
176A005	5	02190 HKZS	01968 Ajla Repeša	02176 Inicijativa za Stolac	01915 Vidoje Maslač	01987 Snaga centra
176A006	5	01951 SlavenMilanović	01004 SPR BiH	00018 SDS	01723 SDF BiH	00027 HDZ BiH
176A007	5	01967 BerinaAmidžić	01918 Dragan Šimunović	00005 HKDUBiH	02097 HSS BiH	02190 HKZS
176A008	5	01968 Ajla Repeša	02176 Inicijativa za Stolac	01915 Vidoje Maslač	01987 Snaga centra	01951 Slaven Milanović
176A009	5	01004 SPR BiH	00018 SDS	01723 SDF BiH	00027 HDZ BiH	01967 BerinaAmidžić
176A010	5	01918 Dragan Šimunović	00005 HKDUBiH	02097 HSS BiH	02190 HKZS	01968 Ajla Repeša
176A011	5	02176 Inicijativa za Stolac	01915 Vidoje Maslač	01987 Snaga centra	01951 Slaven Milanović	01004 SPR BiH
176A012	5	00018 SDS	01723 SDF BiH	00027 HDZ BiH	01967 BerinaAmidžić	01918 Dragan Šimunović
176A013	5	00005 HKDUBiH	02097 HSS BiH	02190 HKZS	01968 Ajla Repeša	02176 Inicijativa za Stolac
176A014	5	01915 Vidoje Maslač	01987 Snaga centra	01951 Slaven Milanović	01004 SPR BiH	00018 SDS
176A015	5	01723 SDF BiH	00027 HDZ BiH	01967 BerinaAmidžić	01918 Dragan Šimunović	00005 HKDUBiH

176A016	5	02097 HSS BiH	02190 HKZS	01968 Ajla Repeša	02176 Inicijativa za Stolac	01915 Vidoje Maslač
176A017	5	01987 Snaga centra	01951 Slaven Milanović	01004 SPR BiH	00018 SDS	01723 SDF BiH
176A018	5	00027 HDZ BiH	01967 BerinaAmidžić	01918 Dragan Šimunović	00005 HKDUBiH	02097 HSS BiH
176A019	5	02190 HKZS	01968 Ajla Repeša	02176 Inicijativa za Stolac	01915 Vidoje Maslač	01987 Snaga centra
176ANN	3	01951 Slaven Milanović	01004 SPR BiH	00018 SDS		
MOB 1	3	01723 SDF BiH	00027 HDZ BiH	01967 BerinaAmidžić		
MOB 2	3	01918 Dragan Šimunović	00005 HKDUBiH	02097 HSS BiH		
MOB 3	3	02190 HKZS	01968 Ajla Repeša	02176 Inicijativa za Stolac		
MOB 4	3	01915 Vidoje Maslač	01987 Snaga centra	01951 Slaven Milanović		